

հարկերից նրանք գիւղացիներից բռնութեամբ առնում են իւրաքանչիւր երեք-չորս շաբաթը մի անգամ 5 ձու, մի հաւ, մի ոչխար, կէս լիտր գարի, 10 լիտր յարդ, մի չարէք ալիւր, դանդ, թէյ և այլն:

—Վարժապետ ջան,—դարձաւ ինձ մի ծերունի Մարտիրոս անունով,—ո՞ր մէկն ասեմ, տանում են ամեն ինչ՝ մեր հասիլը (հունձը), եգները, օղջիրները (ոչխարները), հաւերը, մեզի չեն թողնում. չենք իմանում թէ՛նչ անենք, մնացել ենք տարակուսած—շւարած. Ձեն թողնում քաղը հասնի, գիշերանց գալիս տանում են, մարդ չէ կարողանում գիշերն էլ հանգիստ քնել. ցերեկն ասես չի լինում տան դուռը մի դադէ բաց թողնել, ներս են մտնում և էջիզ են անում (նեղացնում), տէր չունենք, տիրական չունենք, ինչ ուզում՝ անում են, կամ բռնի դոնախ (հիւր) են գալիս, հաց ուզում, ուտում, խմում քէֆ անում, գնալիս դուլլուզ (փող, ծախս) են ուզում, թէ ասում ես չունենք, պարտք արա տուր պատասխանում են, երբ չես տալիս՝ ծեծում են: Մեր ունեցած-չունեցածը տւեցիկք իրանց, այժմ պալտքի տակ ենք. վկայ է էն Ս. Սմեճափրկիչը՝ 10 խիզան (երեսայ) ունեմ, այժմ ուտելու հաց չունեն. անլ վարժապետ ջան, թրքերի ձեռքում ծախւած էսիր ենք . . .

Այսպէս է սիրելիս, խեղճ գիւղացիների դրութիւնը. նրանք անվերջ հարստահարում, կեղեքում են: Գալիս են գիւղ աղայի մարդիկը և մնում այնտեղ օրերով, շաբաթներով. գիւղը նրանց պիտի կերակրի խորովածով, հաւ ու փրլաւով, սերով, մածունով և թէյով. նոյնպէս և կերակրի նրանց ձիերին, նրանց պիտի բաւարարեցնի, որպէսզի ծեծ չուտի:

Նրանք հեռանում են՝ և ահա գալիս են մի այլ աղայի մարդիկը. նոյնպէս նրանց էլ պիտի բաւարարութիւն տալ, մտնի նորանոր ծախսերի մէջ, ո՞վ կարող է հակառակել կամ մերժել, այն ժամանակ վայ է եկել գիւղացու գլխին: Ահա այն իրողութիւնը սիրելիս, որի մէջ գտնւում է Ներքին Առօրեանի գիւղացիութիւնը, մի դրութիւն, որ շատ ճիշտ կերպով բնորոշեց ալևոր Մարտիրոսը՝ «թուրքերի ձեռքում